



UNIVERSITÄTS-
BIBLIOTHEK
PADERBORN

Provincia Neapolitana.

[urn:nbn:de:hbz:466:1-66783](#)

A I O N I C I A 51

PROVINCIA NEAPOLITANA.

NEAPOLITANA Prouincia in sex domicilia distributa est, Sociosq. tres ac ducentos continet: In domo Professa Neapolitana duo sunt & quadraginta. In Collegio Neapolitano octo & septuaginta. In Nolano quadraginta tres. In Catacensi & Aletino singulis septeni deni. In Cirinolano quinque. Diem vrium quinque obiere; in his Pater Christophorus Rodriguez, vir patientia, suique despiciencia admirabilis, cui cum alia multa, tum obitus dies præsignificatus diuinitus est. In horum locum sex & virginis suffecit Deus.

DOMVS NEAPOLITANA.

Eorum, qui Domum Neapolitanam incolunt, cum in alijs rebus, tum uero in confessionibus audiendis egregia opera exstiterit; quarum tanta frequentia est, ut Sacerdotes tredecim confitentium multitudini satisfacere vix possint. Vir nobilis delicüs ualde deditus, frequenti confessione ad meliorem mentem, uiuen diq. consuetudinem traductus est: adeo ut cum à Rege opimum magistratum scutatorum mille annuorum

D 2 impe-

impetrasset; ac præter vnius ministri Regij assensione
nihil desideraretur, quo minus eum obtineret; de Con-
fessario quæsiuerit, num id ex Dei voluntate futurum
esset, testificatus omisurum se potius prouinciam, quā
vt in ea administranda scrupulus nullus esset: quod eo
sunt admirabilius, quo is minus satis est pro dignitate,
ā re familiari paratus. Alter pellicis amore per an-
nos quatuordecim sic deperibat, vt nē moriens qui-
dem resipiscere velle videretur; hic Sacerdotem no-
strum cum ad se accersisset, eo auctore superioris vi-
tæ scelera per confessionem generalem expiauit, ac
pellicem sibi rite despondit: factoq. testamento paucis
horis vita decebat. Vir Dæmonis fallacijs, qui ei Diui
cuiusdam specie apparebat, inductus, de remittendo v-
xori nuncio cogitabat. Quare cognita, noster Sacerdos
hominem adit, dæmonisq. dolis patefactis ad genera-
lem confessionem, quam multos annos ab eo intermis-
sam ex familiari sermone forte coniecerat, adhorta-
tur; neque homini visum illud amplius obiectum est.
Semel, quidem postea truculenta specie Dæmonese
obtulit, horribilia quedam, quod esset confessus, illi an-
te octauum diem denuncians: sed neque intra illud tē-
pus, neque postea quidquam homini mali contigit.

COLLEGIVM NEAPOLITANVM.

In ter discipulos, qui Neapolitani Collegii scholas
frequentant, duæ sunt institutæ sodalitates eo-
rum, qui præcipuo cultu & religione Deiparæ Virgi-
ni deseruunt; in quarum alteram adolescentiores ad-
scribi

scribi solent, in alteram natu grandiores, spectatæ viri
tutis omnes. Ex minore sodalitio nobilis adolescens
annos quindecim natus, cum à quodam contumelijs &
colaphis petulantius esset lacesitus, respondit facile
quidem seipsum, quod non longe cum telo seruus es-
set, vlcisci posse; sed nullum aliud pœnæ genus ab eo
reponscere velle, quam ut is crimina quam primum con-
fiteretur. quæ res cum eos, qui presentes erant, tum
vero qui fecerat iniuriam, ita commouit, ut statim ac-
cidens ad illius genua veniam petierit, omniaq. se fa-
cturum receperit. Ad maioris sodalitij facellum, ho-
rarum 40. supplicatio quater indicta est, tantaque
frequentia celebrata, ut loci angustiæ multitudinem
non caperent. Plurimi constitutam sibi horam ad pre-
candum obijisse non contenti, alteram ac tertiam ho-
ram preces continuarunt. Aliquot ex sodalibus, sine
huius sodalitatis reiectione, alium cœtum inierunt in
hospitali domo, quo se recipiunt aliquo morbo insana-
bili laborantes; certosq. e suo numero, qui singulis die-
bus ægris ministrent, descripserunt: officinam præter-
ea omni genere belliorum ad ægrorum usus aureis
sexcentis instruxerunt. qua ex re plus utilitatis per-
cipi Magister domus affirmauit; quā si triginta au-
reorum millia essent legata. Quindecim in varias re-
ligiosorum familias se contulerunt: alijs suas in ciuita-
tes digressi, iisdem legibus sodalites instituerunt,
suoque exemplo quam plurimos ad honestiorem vi-
tam incitarunt. Itaque factum est, ut Potentiana,
Theanensis, Catacensis, & Campana sodalitates, huius
Neapolitanæ fama excitata, ad eam aggregata sint.

D 3 Ne-

Neque Neapoli solum, sed etiam in vicinis oppidis nostrorum viiliter versata est industria. Campana enim excursione multorum antiqua odia, quæ ex fratribus filiorumq. cædibus exarserant, restincta sunt; tantumq. ardoris iniectum est oppidanis, ut à secunda Quadragesimæ Dominica ad sacram usque sextam feriam, virorum in seipso verberibus acerrime saeuentium, litaniasq. alta voce recitantium singulis noctibus longa agmina spectarentur: neque ardor ille, aut concionatoris verbis, aut Episcopi auctoritate reprimi potuit; tumetsi quædam præter modum esse viderentur. Initia quoque est ea in urbe ciuium primariorum sodalitas, cuius caput ipse Episcopus est. Hi octauo quoque die in facello ad hanc unam rem ab ipsis constructo, de manu Episcopi sacram Eucharistiam rite suscipiunt; eiusq. hortatu cum in alia pia munera, tum ad ueteres inimicitias tollendas, quæ ex mutuis cædibus hac in urbe sunt exortæ plurimæ, incumbunt. In sancti Angeli Lombardi oppido nobiliū ite viroruſ sodalitum, quod à B. Virginis Mariæ Conceptione nomine habet, institutum est; qui magna cum animi alacritate in rerum diuinarum studium insistunt, tanta cum Episcopi voluptate, ut is curaturum se dixerit, ut in omnibus suæ dioeceseos oppidis huiusmodi cœtus celebretur.

CATACENSE COLLEGIVM.

CAtaci acta hæc fermè sunt. Unus ab heresi, cui pertinaciter addictus erat, non sine difficultate Dei gratia, nostriq. Sacerdotis opera, denocatus est. qui tamen

tamen generali confessione à sceleribus expiatus, eam
cepit animo voluptatem, ut magnam pecuniae vim ipsi
Patri obtulerit; quæ ab eo repudiata hominem multo
magis in sententia confirmavit: eamq. vitam instituit,
quæ omnibus admirationi sit. Alter ab execrabilis ma-
gicarum artium cultu abductus. Femina primaria,
dum pertinaci consilio nescio quid supprimit, annos
iam triginta, sacrorum interdictione, suæ contumacie
pœnas dabat; quæ tamen nostris auctoribus ecclesiæ
reconciliata est. Filius grauissimas ex bonis suscep-
tas inimicitias cum matre gerebat; neque ut eas depone-
ret, cuiusquam hortatu adduci potuerat; ac præter-
quæ quod in omni sermone probris ac maledictis illam
proscindebat; præterea sua se illam manu intersectu-
rum minitabatur. Is febri correptus altero die despe-
ratur à medicis; quare tandem de nostrorum consilio,
qui eum officij causa inuiserant, in gratiam rediit
cum matre. Adolescens omnino constituerat se se no-
bis, aut certe Capuccinis adiungere; quod cum rescis-
set parens, cum varijs blanditijs, tum opulento in pri-
mis atque illustri matrimonio unicum, sibiq. carissi-
mum filium ab ea sententia auertit. Sed non diue ea re-
lætatus est pater; siquidem mense post febris inua-
dens filium, septimo die vita, matrimonioq. exturba-
uit. Mater filium tantum non in Societatem coopta-
tum, euulatibus, quibus uniuersam ciuitatem, nostruq.
Collegium replete, domum inuitum retraxit; nec
impune: decimo enim die ipsa in febrim pestilentem
incidit, quæ culpam agnoscens, filium vltro ad Colle-
gium remisit; testata nunquam se eum à susce-

D 4 pto

pro religionis consilio reuocaturam ; moxque
conualuit.

COLLEGIVM ALETINVM.

ALetij, Societatis muneribus Nostri varie fuere distenti. Tres superiore quadragesima Nar-dum, Tarentum, Vestium Concionatores dimissi. Itum est cum in alias, tum in hospitalem domum eorum, qui elephantias sunt horribiles, quorum non animis, tan-tum, sed etiam corporibus subuentum. Eorum item, qui sunt in regia custodia, præcipua ratio habita est, at que inter eos graues discordiæ sublate: capit is damna-ti ad supplicij locum vsq. omnibus pietatis officijs de-ducti. Mos docendi christianam doctrinam inuectus, ac belle succedit; neque ea pueri tantum, sed etiam mancipia instituuntur: quorum ea religio est, ut plera-que octauo quoq. die Confessionis & Eucharistiæ Sa-cramento pie admodum ineant. Ex ijs aliquot ad ba-ptismum suscipiendum Christiana Catechesi rite infor-mantur. Dynasta, eiusq. ciues iudicijs inter se multos iam annos conflicitabant; quæ controuersia omnium ap-probatione sedata d Nostris est. Vir nobilis, precio quendam sollicitauerat ad perniciem inimici; qui tan-dem nostro suasu à nefario consilio auocatus, ab eo, cui pecuniam dederat, veniam de cogitato scelere petiit, ac pro virili parte ad confessionem cohortari non destitut.

Ciuium porro in nos benignitas maxime hoc anno
fuit

fuit illustris: nam duas publicas vias, quæ ad Collegij ædificationem facere plurimum uidebantur, decreto nobis attribuerunt. Femina primaria centum quinquaginta nobis aureos testamento reliquit. Altera item uestem preciosam ex auro textili scutatorum nonaginta templo ad sacros v̄sus dedit. Sacro-sanctæ hebdomadæ sollemnibus, cum ad Christi Dei nostri corpus efferendum, & sepulchro condendum, desiderari vmbellam viri religiosi, nostrique amansim̄ vidissent, illico purpuream nobis opere Damasco-no, aureis licijs, institisque pendentibus curarunt. Alter turibulum argentum, ad sacros templi suffitus aureis quadraginta nobis comparauit. Alius B. Virginis imaginem in tabula affabre depictam donauit; cuius pictura, absque ornatu cetero, aureis quinquaginta stetit. Angelorum quædam est nobilis familia vi-cino oppido oriunda; hæc vbi Societatem Aletij domicilium habere cognouit, eodem rerum ac fortuna-rum suarum omnium sedem transtulit; eoque die, quo primum in hanc vrbem venit, rei diuinæ interfuit in templo nostro, & aureum torqueum obtulit C. pondo; quem nimirum ab ea suæ in nos voluntatis ve-luti pignus haberemus. Siquidem Paterfamilias cum opes, tum vero quattuor liberos (tot enim habet) no-stræ Societati addixit. Ex ijs natu maximus, ad quem Feudum pertinebat, in Societatem adscriptus est, alter cupiditate eiusdem sic flagrat, vt plane desiderio contabescere videatur. Et quoniam vt ad fratrem aggregetur, non dum per etatem id ei licere dicti-tant, singulos dies ingenti solicitudine numerat, &

quan-

58 PROVINCIA

quanta quoque die facta sit ad staturam accessionem,
anxie explorat. Reliquos hac una re in officio ferre
continent parentes, quod ius minitentur fore
ut à Societate non adsciscantur: qua
comminatione pueriles illis
lacrimæ excusatione
tiuntur.



PRO-